

آبونه اولوق ایستیلر دأثره عدلیه ده  
اداره مخصوصه سنه مراجعت  
ایتملیدر

اعلاناک هرندن بر مجیدیه اخذ  
ایدیلور

نسخه سی ۴۰ پاره در

# فکرانک علییه

سنه لکی در سعادت انجمن مجیدیه  
بکرمی غروش حسابیه التمش  
غروشدر

طشره انجمن بوسته اجرتی اوله رق  
اون بش غروش ضم اولتور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امرز عدلیه ده متعلقدر

## تبلیغات

طرفین بیننده سندات عادیه ایله وقوعبولان بیع وشرادن متحدث دعاوینک محاکمه استماع اولنمامسی حقنده کی اراده سنیه حضرت پادشاهی حکم منیفی بالجله معاملات تصرفیه نک سندات خاقانیه به ربطیله سندسز املاک وراضی تصرف ایتدیرللمسی مقصدینه مستند و متنوع اولان جهت دخی عادی سندله تصرفدن منبعث دعاوینک محاکمه استماعی ماده سی ایدوکی اراده سنیه ده مصرح بولنسی حسیله بعد ازین ابراز اولنه حق سندات عادیه هانکی تاریخده تنظیم ایدلمش اولور ایسه اولسون اوقیل سندات استناداً وقوع بوله حق دعاوینک استماع اولنمامسی ویا لکزر ممنوعیت مذکوره تاریخندن مقدم اقامه اولنوبده الیوم درجات محاکمه در دست رؤیت بولنان دعاوینک فصل وحسم ایدلمسی اقتضا ایده جکندن بخله اسکی تاریخلی سندات عادیه به ابتناء اقامه اولنه حق دعاوینک لزوم استماعی حقنده انجمن قرار یله سبق ایدن تبلیغات عمومیه نک تعدیلی افاده سنه دأثر دفتر خاقانی نظارت جلیله سندن وارد اولان تذکره اوزرینه ایجاب کیفیت انجمن عدلیه به لای التذکر بر قانونک ماقبله عدم شمولی قاعده کیه سنه بناءً بوبابده شرفصادر اولان اراده سنیه جناب خلافتیناهی حکم جلیله دخی تاریخ نشر و اعلانندن مقدمکی عقود و معاملات شمولی اوله میه جفی طبعی اولغله برابر نظارت مشارالیه انک اشعاری وجهله ممنوعیت واقعیه نک ماقبله ده شمولی حالده بوکی املاک صرفیه به متعلق طرفین بیننده وقوعبولان بیع وشرانک محاکم نظامیه به قبول و تصدیق اولندینی بر زمانده تنظیم ایدلمش اولان سند موجبنه بوکره مأموری حضورنده اعطای تقریردن امتناع ایدن بالعه قارشو امر و فرمان هایون جناب پادشاهی منظوق منیفنه توفیقاً تصرفی سندات رسمیه به ربط ایتدیرمک ایستیان واولوقدن برو املاک مذکوریه ای اعمار واجیا ایتک صورتیله وسائر اسباب تملکک وجودیله تصرفی مثبت و متحقق بولنان

مشتربنک یا حقوق تصرفیه سنی ترک ویا خود عادی سندله تصرفده دوام ایتکدن بشقه یابه جفی بر معامله تصور اولنه میوب شواحوالک برنجیسی معدلت سنیه به وایکنجیسی دخی سند رسمی استحصال ایتکسزین املاک تصرفسک دوام جوازینی تصدیق صورتیله اراده حکمت افاده جناب خلافتیناهی نک منظوق جلیله بالوجوه منافی کورنمش وعلی الخصوص محاکمه ابراز اولنان سندات عادیه نک محض حقیقت اوله رق همان قبول و تصدیق جهت کیدلیه جکی و طرف خصمدن تاریخنک تبدیل و تحریف اولندیغه دأثر در میان اولنه حق ادعا اوزرینه تدقیقات لازمه بالا اجرا برکونه حیل و قوعی ثابت اولدینی صورتده دعاوانک عدم استماعنه قرار اعطاسیله برابر فاعلنک دخی دوچار مجازات ایدیه جکی جهتله نظارت مشارالیه انک اولکی تذکره سنه بیان اولندینی وجهله مؤخر تاریخلی سندک تاریخ ممنوعیتدن مقدم بر زمانده یاللمش کبی تحریف و تغییر یله حیل و دسایس وقوعنه میدان براقلع احتمالی دخی غیر وارد بولنش اولدیغه واعطای تقریردن امتناع ایدنلر حقنده بر طرفدن عندالمحاکه صحتی آکلاشیلان مقدم تاریخلی سندات اوزرینه مشتری یدینه دأثره عانده سندن سند رسمی اعطاسی بولنده لاحق اوله حق حکم و قرارله و دیگر طرفدن بایعک بالرضا وقوعبولان تقریریله املاک صرفه حقوق تصرفیه نک اراده سنیه جناب خلافتیناهی حکم جلیلی وجهله بوندن بویله سندات خاقانیه به ربط و توثیق ایدیه جکی امور طبعیه دن بولندیغه بناءً انجمنک اولکی مذکره سی مندرجاتی دأثره سنه سبق ایدن تبلیغات عمومیه نک تعدیلنه لزوم وایجاب کوریه مامش اولدیغندن بویله نظارت مشارالیه تذکره جوابیه تسطیری انجمن مذکور دن افاده قلمشدر.

## محاکمات و مقررات

اصول محاکمات جزائیه قانونشک اوچوز

قرق یدنجی ماده سی حکمنه و نظارت جلیله عدلیه نک ۲۷ ایلول سنه ۳۱۹ تاریخلی امر تحریری قانونیسنه توفیقاً تقضی حاوی محکمه تمیز جزا دأثره سندن اعطای قلنان ۴۰۱۰ نومرولی اعلامدر.

باش مدعی عمومیلک مأموریت بهیه سندن مع اوراق متفرعه محکمه تمیز جزا دأثره سنه ارسال قلنان ۱۴ تشرین اول سنه ۳۱۹ تاریخلی و ۴۵۴۸ نومرولی تبلیغنامه مطالعه قلندی.

مندرجاتی چونکش ناحیه سنه تابع ارمیه قریه لی علینک زوجیه سی امینه جبراً قاجیردینی ادعا قلمشندن دولای چرمیک قضای مستنطقلکندن جنایتله مظلوم نیتنه قرار ویرلمش و دیار بکر ولایتی هیئت اتهام سندن ۱۵ شباط سنه ۳۱۳ تاریخلی مضبطه ایله اتهام ایدلمش اولان اورکون قریه سی اهالی سندن در سعادتده بالق بازار ای اسکله سنه قهوه جی سلیمان بن حسین حقنده هیئت مذکور دن اعطا وارغنی سنجاخی مدعی عمومی معاونلکندن در سعادت بدایت محکمه سی مدعی عمومیلک اسرا قلنان اخذ و گرفت مذکره سیله مضبطه اتهامیه و اتهامنامه صورتلری اوزرینه اجرا قلنان تدقیقات نتیجه سنه مرقوم سلیمان حقنده عین ماده دن طولای مقدمادر سعادت استنطاق دأثره سنجه ۱۱ کانون تانی سنه ۳۱۰ تاریخنده منع محاکمه قرار ویرلمش و ختی علیه نه کی دعاوانک نقلی استدا قلندی حلاله محکمه تمیز استدا دأثره سنجه اشو منع محاکمه قرار بنک وجودینه بناءً استدای واقع رد ایدلمش اولدینی حالده محلجده ده بشقه جه تحقیقات اجرا سیله و محکمه صفتده فعلک ثبوتندن بخله بر منوال مذکور مرقومک جنایتله اتهامی جهت کیدلیکی در سعادت استیناف محکمه سی مدعی عمومیلک نک ۲۲ مارت سنه ۳۱۹ و دیاربکر استیناف مدعی عمومی میلک نک ۲۷ مایس سنه ۳۱۹ تاریخلی مذکره وشقه سیله ملفو قری محتویاتندن آکلا شلمغین چرمیک مستنطقلکله دیاربکر هیئت اتهامیه سندن مخالف قانون اوله رق



ویرلش اولان قرارنامه مضبطه ایله اخشد و گرفت مذکره سنک اوچوز قرق یدنجی ماده قانونیه و عدلیه نظارت جلیله سنک ۲۷ ایلول سنه ۳۱۹ تاریخی و یوز اون بش نومرولی امر تحریرینه توفیقاً قضی لزومی اخبارندن عبارت بولمیشدر .

تدقیقات تمیزیه اجرا اولندقه نظارت جلیله نک امر تحریریه وجهله تبلیغنامهده اعتراضاً درمیان ایدیلان اسبابه نظراً مارالذکر قرارنامه مضبطه نک خلاف قانون اوله رق ویرلش ایدوکی اکلاشلدیقندن بر موجب اعتراض مذکور قرارلرک قضا ۲۱ تشرین اول سنه ۳۱۹ تاریخنده قرار ویرلدی .

باغچه قریه سندن عزیز بن بختیار و راهو بن ارسلانی قتل ایتلرندن طولانی جنایتله اتهام اولندان ترغویشتلی زینل و برادری شریفک اون بشر سنه مدنلرله کورکه قوللرینه دائر سنیچه سنجانی بدایت محکمه سی جزا دائر سندن ویریلان ۳۳ نومرولی اعلام برشته نک قروشقه قریه سندن عثمان بن شریفی قتل ایتلرندن طولانی جنایتله اتهام اولنان مختارک اون بش سنه مدنلرله کورکه قوللرینه دائر برشته سنجانی بدایت محکمه سی جزا دائر سندن ویریلان ۲۸۹ نومرولی اعلام

مغنیانک نصره محله سندن محمد کریم سی شهرت خاتمک خانه سنه زردبان قویه رق لیلأ بالدخول نقود و محوهراتی سرقت ایتلرندن طولانی جنایتله اتهام چالاجی حسین بن علی و کره میتی خلیل بن علی و جویوان محمد بن احمد و محمد بن سلیمان و ابراهیم بن مصطفی و محمد بن حاجی عبدالهک اوچر سنه مدنلرله کورکه قوللرینه دائر صاروخان سنجانی بدایت محکمه سی جزا دائر سندن ویریلان ۱۶۶ نومرولی اعلام محکمه تمیز جزا دائر سنیچه تصدیق اولمیشدر .

## ۲۴۰ نومرولی نسخده مندرج درسمادت

### جنایت محکمه سی اعلامنک مابعدی :

بلاطده محکمه آلتنده نومروسز خانه ده اقامتله میخانه جیلک ایدن قرق بش باشنده آستانه لی نسیم ولد خاتم افاده مضبوطه سی دائره سنده وقعه اخشامی ساعت اون ایکی راده لرنده حضور محکمه ده کی متهم حسین و کاظم ایله مقتول آصف مقیم بولندینی خانه یه کلرله برابرلرند کتورمش اولدقلری راقینی ایچدکری کی لخی دخی پیشروب بیه جکری صره ده آدیرمش اولدقلری اتمکی کسمک ایچون یحیاق آرامقده ایکن بوراده وار دیو مرقوماندن کاظم برچاق ویردیکی واتهکی کسدکن صکره اعاده اتمک

ایچون چاقنک کیمک اولدینی سؤال ایلسیه مرقوم کاظم بندر دیه رک قوینه صوقدینی ویک یذکرندن صکره ساعت بری چاریک کچه خانه سندن چیقوب کیتدکری ووقعه یی فرداسی خبر آلدینی اخبار و عند الاستیضاح مرقومون خانه سنده بولندقلری مدتی مزاعه ایتدکری و زیاده سکر حالدده دخی بولندقلری و مرقومونک هیچ بریسنده بشقه یحیاق کورماش ایسه ده طاشیوب طاشیمدقلری بیلمدیکی تذکار ایلدی .

بوشاده دخی نه دیه جکری متهملرندن صورلدقه کاظم، شاهد مرقوم وقعه نک فرداسی برچاق ساعت حسینی خانه سنده اخفا ایلدیکندن شهادتی قبول ایتده جکی ووقعه دن الی آی مقدم متهم حسین، نوری نامنده بریسله بنه مقتول آصفی جرح ایتش اولدقلری بیان و شاهد نسیم دخی کندوسی کسمه یی اخفا ایلدیکی و متهم حسین نسیمک شهادتیه برده جکی اولدینی درمیان ایلدیلر .

یکی باغچه ده خسته خانه جاده سنده طاتی آقوده طقسان نومرولی خانه ده ساکن اولوب سجل نفوس اداره سی کتبه سندن بولنان یکریمی بر باشنده آستانه لی کال افندی ابن حامد افاده مضبوطه سنه موافق صورنده کندوسنک ووقعه دن معلوماتی اولوب ایتیق بر جرح ماده سندن طولانی توفیق خانه ده موقوف بولندینی صره ده متهم حسینک برچاق کشیله او طوروب قوتوشمقده اولدقلری کورمسیله یانلرینه کیدرک استفسار کیفیت ایتدیکنده متهم مرقومک مقتول آصف ایچون بویه دلیقانلینک دنیادن قالمسی ابو اولدی بیک کشینک باشی بلایه صوقور دیمسی اوزرینه وقعه یی حکایه ایلسی سولیدیکنده مرقوم برکون اوبوده قهوه خانه ده کاظم و آصفله برلشه رک و واردان بارکیرله ینره رک بلاطده بر موسوی خانه سنه و اخیراً برمیخانه یه کیدوب اورالده عشرت ایتدکن صکره اوبه عودت اتمک

اوزره میخانه دن چیقه رق ارسلان اسکله سی اوکندن اثنای مرورلرند بر وقعه اولسیه کندوسنک واردان طوغری اون قباننده تیره سنک خانه سنه کیدرک و مزبو رهنک ارانه ایلدی بر او طه یه بعد الدخول تکرار اشاغی اینه رک قیودن چکدی بر قوغه صو الیه لدری واثوانیک اوزرند بولنان قانلری بیقادینی و فرداسی تکرار عشرت ایلدیکی میخانه یه کیتدکه میخانه جینک امان حسین آصف اورلش مأمورلر سزی آرایورلر دیمسی و پولیس مأمورلرینک دخی اوصره ده کلکده اولدینی کورمسی اوزرینه ارسلان اسکله سندن قایغه ینره رک سودلیجه یه کیتدکه ایکن اوزرند بولنان روولور ایله کیر یحیاقی ذکره آتمق ایستدیکی صره ده قایچی طلب ایتش ایسه ده و برمه رک ذکره آندینی

واسکله یه چیقه رق قره اغاج طریقه له کاغذخانه یه و واردان دخی سلحدار اغایه کیتدیکی و سلحدار اغاده تصادف ایلدیکی رژی قول باشیمی مصطفانک آصف اولش سنی آرایورلر دیو خبر ویرمسی اوزرینه اوبه کلرک قره غوله مراجعت ایتدیکی سولیدیکی ایتدیکی اخبار و عند الاستیضاح مرقومک بوسوزلری خورشیدافندی ایله ترلکچی مصطفی دخی ایتدیکی و کاظمک نه یادینی سؤلرلرند برشی سولیدیکی و ایتیق مرقومان برای استطاق کتوریلوب کتورلدکن صکره کاظمک حسینه خطاباً الیه دن قورقدن نیچون تم اوزرینه آتیورسک؟ دوسولیدیکی تذکار ویردیکی حسین و کاظمک حضور محکمه ده کی شخصلر ایدوکی علاوه کفتار ایلدی .

بوشاده دخی نه دیه جکی متهم حسین صورلدقه سبب بیان ایتیه رک قبول ایتیه جکی سرد ایتدی . شهود بوصله سنده اسماری محرک ساندن بورغانچی راشد ایله قهوه چی ادهمه جلبنامه تبلیغ قلندینی حالدده کلککری اکلاشلش و دودنرمه چی قدرینک لاجل التداوی کوش صو یی خسته خانه سنده بولندینی و ترلکچی قلفه سی مصطفانکده اقامتگاهنی ترک ایله محل آخره کیتدیکی کوندریلان جلبنامه لری زیرنه ویریلان شرحدن اکلاشلمه له معاون مومی الیهک مطالعه سی وجهله مرقومونده ادهم ایلر اشدن یارمشر لیراجزای نقدی برای اخذ احضاراً جلبلرینه و قدری به دخی مجدداً جلبنامه تبلیغه و مصطفی حقنه ده تحری مذکره سی تسطیرینه قرار ویریه رک و جانب ریاستدن اظهار حقه مدار اولق اوزره رژی قول باشیمی مصطفانک جاب واستامی تسبب اوله رق نتیجه محاکمه نک وقت آخره تعلیق قلندینی طرفینه کلادلدی .

(مابعدی کله جک نسخه یه)

بکقوزده رنجیر ادریسک قتلدن طولانی متهم بولسان حاجی اوغلی سلیمان و ناره و حاجی اشرف ورجب حقلرند اجرا قلنان محاکمه نتیجه سنده مرقوموندن سلیمانک فعل قتله اجتماسی مقتولک قبل الوفا سقی ایدن افاده سی و دلائل سائر و معاینه رابوری مندرجانی ایله ثابت اولدیکندن مجرمیته و قانون جزانک یوز تیش دردنجی ماده سنک فقره اولاسی حکمه توفیقاً اون بش سنه مدنلرله کورکه قوللرینه ۲۱ کانون ثانی سنه ۳۱۹ تاریخنده محکمه جناحه قرار ویرلشدر .

ایتالیالی ایلیانک قومیسر صبری افندی به اجرای مأموریت حالده حقاتر ایلدیکی ثابت اوله مدیقندن برائته

حسینک مناو علی یی ضرب ایلدیکی ثابت اوله مدیقندن برائته

پترو وینایوب و حسنک قالب ایچو سوریحیلکی ایتدکری ثابت اوله مدیقندن برائتیه برر قدر افا ایله زوجیه سی حنیفه نک مضاربه ایلدکری اکلاشیه مدیقندن برائتیه آغوبک نیقولی یی و قوچونک آغوبی ضرب و جرح ایلدکری ثابت اوله مدیقندن برائتیه ساسی ایله حسنک خلاف تنیه قار اوینادقلری ثابت اوله مدیقندن برائتیه نیقولینک لیغوری ضرب و جرح ایلدیکی ثابت اوله مدیقندن برائته

محمدک خلیل و یعقوبک محمدی ضرب ایتدکری ثابت اوله مدیقندن برائتیه اشرفک دقتسزک اثری اوله رق حریق ظهوریه سلبیت ویردیکی ثابت اوله مدیقندن عدم مسئولیته دیمترینک اساقی ضرب ایلدیکی اکلاشیه مدیقندن برائته

یونانی علسینک طومعه یی ضرب ایلدیکی ثابت اوله مدیقندن برائته قسطنینک یونانی یورکیه تشهیر سلاح ایلدیکی ثابت اوله مدیقندن برائته

شرف الدین افندینک احمد افندی یی ورؤف بکک مومی الیه شرف الدین افندی یی ضرب ایلدکری ثابت اوله رق شرف الدین افندینک برهفته مدنلرله حسینه ورؤف بکدن دخی بریحیدی آلتونی آله رق شرف الدین افندی به ویرلسته

یکرمی یدی کیلوتیش غرام ققاق توتوله دردست اولنان ارن قریه سنده ساکن قرتالی محمد وغالب و ذاکردن بیک سکان غروش جزای تقدینک تحصیله خانه بکجیسی مصطفانی ضرب ایدن زردبان قریه سنده ساکن بامیجی اصنافدن سلیمانک اون کون حبسنه

یکرمی اوچ کیلو بشیوز غرام ققاق توتوله دردست اولنان اسکدارده احسانیه محله سنده ساکن سقا عارفدن طقوز یوز قرق غروش جزای تقدینک محکومیت سابقه سنه منی ایکی قات اوله رق تحصیله ایکی کیلو طقوز یوز یکرمی غرام ققاق توتوله دردست اولنان زردبان قریه سنده ساکن حسین اغادن یوز یکرمی غروش جزای تقدینک تحصیله

عثمان و زوجیه سی حاجه خاتونه اطاله لسان ایدن استاوروزده مهاجر محله سنده ساکن صالح اغانک اوچ کون حبسنه

حسن قالفه نک قوندیره لری سرقت ایتدیکی ثابت اولان علینک الی آی حبسنه

ابراهیمک ممرناس اولان محله آراهه قوشدیر دینی ثابت اولدیکندن مرقومدن اون بشلک جزای نقدی اخذیه

لوستره مو جمالی جرح ایدن اداره مخصوصه نک سلامت واپورنده آتشی کاظمک درد ماه حبسیله برابر مصارف جراحیه اوله رق کندوسندن بش آلتون آله رق مرقوم جاله اعطاسه

سودجی طنائی ضرب و جرح ایتدیکی تین ایدن درسمادته قیز طاشنده ساکن سودجی واسیلدن بریحی لیرا آلتوب مضروب مرقوم طاشنه اعطاسه درسمادت، بک اوغلی و اسکدار بدایت محکمه لری جزا دائره لرجه قرار ویرلشدر .

## مخاملات اند با هیته

ککوزده قضای بدایت محکمه سی مدعی عمومی معاون وکی پولیس طالب افندینک بعض اشخاصی خلاف اصول اوله رق توقیف ایلدیکی درسمادت عدلیه مقشکلکجه اجرا قلنان تحقیقاتی حاوی اوراق مألرندن اکلاشیه رق مومی الیهک اجرای محاکمه سنه عدلیه نظارت جلیله سندن مأذونیت اعطا و درسمادت استیناف مدعی عمومی کلکنه تبلیغات مقتضیه ایفا قلنمشدر .

## اعلانات

### انجمن اداره عدلیه

عدلیه نظارت جلیله سی دائره سیله اسکدار وبک اوغلی محاکمی دواثری پاپوشچیلرینک مدت الزامیه لری سنه حالیه شایطی نهایتده منقضیه اوله جغه منی اوله اولنان اعلان موجبجه همه وپازاردن ماعدا هرکون مزایده لرینه دوام ایله حد لایقی بولدینی حالده سنه حالیه شباطنک دردنجی چهارشنبه کونی حاله قطعیه سی اجرا اوله جفندن طالب بولنان و شرائطی اکلامق ایستیانلرک ایام مذکوردهن ماعدا کونلرده ساعت الی یخنده تأمینات ایچلرینی حامللاً محاسبه ویا انجمن اداره عدلیه به مراجعت ایملری اعلان اولنور .

### درسمادت استیناف مدعی عمرمیلکنده :

اوچوز اون طقوز سنه سی تشرین اولنک دردنجی کیجه سی مقری کوبنده بقال یورکینک دکانی قوسنک کلیدینی صومون اناختاری دنیلان آلت مخصوصه ایله قیره رق إشاع سرقت ایتدکری اداسیله مظنون

علیهمان اولوب وقعه یی متعاقب فرار ایتش اولان واینه بولی قضا سنک کوره ناحیه سی داخلده قوری چام قریه لی اورته بولی ششپانجه وجودلی اسمر بکزی سیاه صقال وقاش و صاچلی اوتوز بش یاشلرندده حلواجی قره مصطفی بن علینک اصول محاکمات جزائیه قانوننک مواد مخصوصه سی احکامنه توفیقاً موقوف بولنان رفقای سائر سیله برلکده درسمادت جنایت محکمه سنده محاکمه لری اجرا قلنمق اوزره قانون جزانک ایکی یوز یکرمنجی ماده سی موجبجه جنایتله اتهامه قرار ویرلیدکندن متهم مرقومک هر زرده کوریلورسه طوتیلوب محکمه مذکورده توقیفخانه سنه تسلیمی لازم کله جکی بالجه ضابطه عدلیه مأمورلرینک معلومی اولق اوزره اشو اخذ و گرفت مذکره سی درسمادت هیئت اتهامیه سندن بالتتظیم اعطا قلندی .

### درسمادت جنایت محکمه سنده :

بیک اوچوز اون طقوز سنه سی تشرین اولنک یکرمنجی کیجه سی سرکه چی جوارنده نقیبات بحریه قومیسونجیسی دهه مستک مغازه سنده قاصه سی شکست اوله رق نقود و اشیانک سرقت ایدلسندن و بصره ده بکچی طودورینک وقعه کلان جرح وقتلی کیفیتلرندن طولانی متهم بولنان اشخاصدن اولوب سرکه چیده الوان زقاعنده والدیه سی واسیلینک ابارتمانده ساکن ایکن قرار ایدن اوزونجه بولی آچق آیلنی اوزون و سیوری برولی الاکوزلی اواق و بوزلش آغزلی اوزونجه چکلی سیاه قاشلی قمرال صاچلی بغدای بکزی اوتوزیاشرنده فوطی دردست اولنه ماش اولدیکندن تارلندن اعتباراً جانب ریاستدن کندوسنه مجدداً اون کون مهل اعطا قلنمشدر مهل معین ظرفده کلیدی حالده قانونه اطاعت ایتماش نظریه باقیله رق حقوق مدنیهن اسقاط قلنه جنی وعلهنده دعوایه قیام اوله جنی و محاکمه غایبه سی ائاده اموالنک جز آتته الهه جنی و بصره ده برکونه ادعایه حق اوله مه جنی و بالجه ضابطه عدلیه مأمورلرینک کندوسنی طومغه مجبور بولندقلری امری اعطا و مرقومک املاکی جز اولنق اوزره مدعی عمومی کلک تبلیغات مقتضیه اجرا ایلدیکی جهته اصول محاکمات جزائیه قانوننک اوچوز تیش برنجی و اوچوز تیش ایکنجی ماده لرندن استنباط اولنان احکامه توفیقاً اشو قرارنامه بالتتظیم اعلان اولنور .

قره بت پاپوشچیانک مغازه سی قوسنی آلت مخصوصه ایله آچهرق سرقته تصدی ایلدیکی اداسیله متهم بولنان اورته بولی الاکوزلی و قمرال بق و مدور چکلی و سیوری برولی ضعیف چهره لی مطروش تخمیناً



اوتوز اوچ باشنده استقانی حقدنه اصول محاکمات جزائیة قانونک اوچوز یتش برنجی ماده سی موجبجه معامله مقتضیه ایفا و محاکمه غایبه بالاجرا نتیجه سنده مرقومک جزا قانوننامه سنک ایکیوز اوتوزنجی ماده سنک دلائله ایکیوز یکرمنجی ماده سنه توفیقاً اوچ سنه مدته کورکه قولسنه و اوتوز برنجی ماده قانونیه موجبجه حقوق مدنیة دن اسقاطیله اموال محجوزه سنک اصولی دائره سنده اداره ایتدیرلمسنه محکمه جنایتدن غایباً حکم اولنش و اصول محاکمات جزائیة قانونک اوچوز یتش یدنجی و اوچوز یتش سکزنجی و اوچوز سکسان برنجی ماده لرله مواد سائرہ سی احکامنه توفیق معامله اولنسی مرجعه بیلدیرلش اولغله مذکور اوچوز یتش سکزنجی ماده نک جمله احکامندن اولدینی اوزره اعلان کیفیتہ ابتدار اولندی .

### برنجی محکمه تجارتیہ :

آلمانیا دولتی تبعه سندن و تجارتدن غلطه مدرسه زقاغنده ۳ نومرولی خانه ده مقیم پول غونطرك تبعه دولت علیه دن اسکدارده بلغورلیده لباده جاده سنده ساکن ایکن الیوم اقامتکاهی مجهول بولندینی خبر ویریلان کیریشجی اصنافندن احمد بن حسن افندی علیه برقطعه مقاوله نامه به استناداً مطلوبی اوله رق ادعا کرده سی اولان ایکی یوز عدد لیرای عثمانی ضرر و زیانک تحصیل و حجز موضوعک تصدیق خصوصاً لرینه دائر محکمه تجارت برنجی مجلسنده اقامه ایلدیکی دعوانک اشبو اوچوز اون طقوزسنه سی شهر شباطنک اون برنجی چهارشنبه کونی ساعت آلتیده فصل ورؤیتنه مباشرت اولنه جغندن مومی الیه احمد بن حسن افدینک یوم و وقت مذکورده محکمه مزبورده حاضر بولنسی و یاخود مصدق سندله بروکیل کوندرمی لازم کله جکی و شاید کلز و وکیل کوندرمز ایسه دیگر طرفک وقوع بوله جق طالی اوزرینه مومی الیه حقدنه معامله غایبه اجرا قلنه جفی معلوم اولق اوزره تنظیم اولنان دعوتیه ورقه سی اصول محاکمه تجارت نظامنامه سنک یکرمنجی ماده سنک فقره اخیره سنه توفیقاً علی الاصول محکمه نک دیوانخانه سنه تعلیق قلندینی کبی اوراق حوادث واسطه سیله دخی اعلان اولنور .

### اعلامات شرعیہ اجرا دائره سنده :

متوفی علی رضا افندی ورثه سنک مصطفی شکر افندی ذمتنده قسمت عسکریه محکمه سندن اعطا اولنان مقتضا اعلامی موجبجه آلاجلری اولان مبالغ معلومه نک تأمین استیفا سی ضمنتده مرهون

و فروختی محکوم بولنان چارشوی کیرده خفا فلر زقاغنده واقع برباب وقف خفاف دکانی درونسنده موجود کدکک اشبو تاریخ اعلاندن اعتباراً اون بش کون صکره فروخته تشبث اولنه جغندن طالب اولوب پی سورمک و بوندن زیاده معلومات آلق ایستیانلرک مدت مذکورده ختمندن صکره درسعادت اعلامات شرعیہ اجرا دائره سنه مراجعت ایللری دائره مذکورده دن اعلان اولنور .

### درسعادت تجارت محکمه سی اجرا دائره سنده :

یوانیدیسک آ. اسلاطونوف ذمتنده ایکنجی محکمه تجارت اعلامیه محکوم به اولان آلاجلرک تسویه سی ایچون مدیون مرقومک بدرندن منتقلاً متصرف اولدینی بک اوغلنده فری قریه و جاده سنده یوز اوچ نومرو ایله مرقم اوچ اوطله و بر مطبخ و مشتملات سائرہ سی حاوی شهری یوز یکرمنجی غروش ایجار کتورر برباب خانه بوندن اقدام موقع مزایده یه قو نیله رق عثمانی لیراسی یوز غروش حسابیه بش بیک بش یوز غرو شده طالیه عهده سنده قالمش و تاریخ اعلاندن اعتباراً اوتوز برکونه یعنی کله جک مارت رومینک ایکنجی صالی کونی ساعت اونه قدر یوزده بش ضم قبول اولنسی و ذکر اولنان یوم و ساعتده صوک مزایده سی بالاجرا قرار قطعسی و یریلرک طالیه عهده سنه کچورلمسی مقرر بولنش اولدیغندن و آندن صکره هر نه ضم و قوعبولور ایسه قبول او لیمه جغندن مذکور خانه یه یوزده بش ضمیه طالب اولانلرک ودها زیاده معلومات آلق ایستیانلرک مدت مرقومه ظرفنده بدل مزایده نک عشرینه مساوی پی اچیه سیله برابر محکمه تجارت اجرا دائره سنه مراجعت ایللری و یوم و وقت مزبورده خانه مذکور پیشکا هنده مأموری مواجهه سنده حاضر بولملری دائره مذکورده دن اعلان اولنور .

### اعلامات نظامیه اجرا دائره سنده :

عایشه خانمک تحت قلعہ محکمه سی جوارنده ساکن تجارتدن صامسونلی حاجی یوسف افندیدن استقراض ایلدیکی مبالغه مقابل عهده تصرفنده بولنان کوچک بازارده قره غول زقاغنده کائن اوچ نومرولی خانه ده کی نصف حصه سی صورتده قطعی و بینلرنده وفا اولق اوزره مومی الیه یوسف افندی یه فراغ ایدلمش ایسه ده دین مذکور کاملاً تسویه اولدینی کبی مزبورده عایشه خانم دخی وفات ایدرک وراثتی محمد افندی ایله زهرا خانمه عائد ایدو کندن برنجی حقوق محکمه سنجه اقامه اولنان دعوی نتیجه سنده مذکورخانه نک

محمد امین افندی الیه خانم عهده لرینه ربع حصه لرینک اعاده ایلدیکی اولنه رق بوندن مومی الیه محمد امین افندی الیه خانم عائد اولان ربع حصه سی عهده سنه مقدما فراغ ایتدیرمش اولوب بوکره زهرا خانم دخی بکراجعه ربع حصه نک عهده سنه اعاده فراغنی طلب ایلسنه بناء کوندریلان جلبنامه اوزرینه مومی الیه یوسف افدینک وفات ایتدیکی ورثه سنک محل اقامتی دخی مجهول بولندینی بالتحقیق اکلشلمش اولدیغندن اجرا قانونک یکرمنجی طقوزنجی ماده سنه توفیقاً تاریخ اعلاندن اعتباراً یوسف افندی ورثه سنک اوچ ماهه قدر دائره اجرایه مراجعتله اثبات وجود ایتلری و مدت مذکورده ظرفنده اثبات وجود ایتدیکلری حالده حکم اعلامک اجرا قلنه جفی درسعادت اعلامات نظامیه اجرا دائره سندن اعلان اولنور .

### بک اوغلی بدایت محکمه سی اجرا دائره سنده :

ابراهیم افدینک بک اوغلی بدایت محکمه سی ایکنجی حقوق دائره سنک برقطعه اعلامی موجبجه فاطمه خانم ذمتنده محکوم به آلاجلری اولان معلوم المقدار مبالغک تأمین استیفا سی ضمنتده مدیونه مزبورده نک عهده تصرفنده اولوب حجز آلتیه آلمش اولان فندقلیده یحیی چلبی محله سنده چیقماز زقاغده اوچ نومرولی خانه نک درت حصه اعتباریه بر بقی حصه شایعه سنک تاریخ اعلاندن اعتباراً اون بش کون صکره بالمزایده فروخته تشبث ایلدیکی بک اوغلی بدایت محکمه سی اجرا دائره سندن اعلان اولنور .

### قرتال قضاسی بدایت محکمه سی اجرا دائره سنده :

قرتالده ساکنه متوفی محمد پاشا زوجہ سی نیر خانمک قصبه مذکورده ساکن آرسن اوغلی بارطامده با اعلام محکوم به آلاجلری بولنان اونبر عدد لیرای عثمانینک تأمین استیفا سی ضمنتده مدیون مرقومک طاتیوس و اوخانسی الیه مشترکاً متصرف اولدقلری معلوم الحدود ایکی قطعه رلا ایله قصبه نک سلوری زقاغنده برقطعه عرصه ده اولان حصه مصیبه سی حجز ایدیلرک تاریخ اعلاندن اون بش کون صکره بالمزایده فروخت ایدیلرک چکندن طالب اولوب پی سورمک ودها زیاده معلومات آلق ایستیانلرک قرتال قضاسی بدایت محکمه سی اجرا دائره سنه مراجعت ایللری اعلان اولنور .